

貴縣志卷四

兵防

沿革 堡兵 營兵 民壯 狼兵 巡防
烽堠 營壘 警備隊 團防 軍械

沿革

新唐書載貴州有龍山府蓋府兵防戍處明洪武二十五年置守禦千戶所正統七年自奉議州移置奉議衛旋並徙置向武軍民千戶所於貴縣屬奉議衛萬曆二十三年又徙謝村鎮貴縣東路原設撇竹石弄新屋各堡官募弓兵民壯防守郭東思籠各里地方南路原設辛安司巡檢募兵防守七郭地方西路原設高頭雲表公館司官募弓兵民壯防守水南懷西地方北路原設謝村鎮四哨八堡部選守備召募兵役彈壓五山地方西北路有三江鎮原築磚城潯州府同知分汛駐鎮提轄郭西水北水南狼目兵丁屯田防守彈壓賓橫永淳咽喉之區護民耕種後由潯梧營撥百總一員兵五十名分防西南路原設木格營官

貴縣志

卷四

兵防沿革堡兵營兵

一五一

李志作
司官

募兵壯防守九懷地方後由潯梧營撥百總一員兵五十名分

汛鎮守今俱裁汰據梁志
參府志

堡兵

明代兵額可稽者守城兵外厥惟堡兵攷貴縣明設民款四十六名守城兵五十四名高嶺堡兵八名牛鼻堡兵八名守城民款十四名北山寨民款十三名謝村堡民款三名橫眉堡兵十名白沙堡兵十名北壩堡兵四十八名黃梁堡兵十九名隆笠堡兵三十九名馬安堡兵二十九名寨思堡兵十九名元村堡兵十九名定藏堡兵十九名大器堡兵二十九名六象堡兵二十九名明末堡營廢弛據梁志
府志修

營兵

清以潯協右營把總一員防守貴縣城池帶兵一百一十七名奉行新添兵一十七名共兵一百三十四名內駐防城池兵四十六名分撥各

汛兵八十八名至雍正三年奉撥潯協守備一員帶兵九十九名雍正八年奉行添兵五十名共兵一百四十九名駐劄西山二圖陸村防守

據府志

貴縣汛分防南至興業縣界五十五里東至東津塘與桂平縣界七十里西至大嶺與橫州石塘界一百五十里按原闕北界城汛把總一員分防

兵六十五名按府志作步兵八十七名撥防水旱各塘汛外委一員兵九十六名

據梁志

分防貴縣城汛把總一員協防貴縣大嶺汛外委把總一員分防貴縣覃塘汛外委把總一員分防貴縣五山汛守備一員外委千總一員蓋以大嶺設防足資分巡木格而郭西里距城稍遠覃塘立汛則指臂之效彰至五山五里樟木大村下鄰武象上接遷賓前人以爲藤峽右臂於此設防並關重要梁志引李志云五山原築土城名謝村鎮設守備

貴縣志

卷四

兵防營兵

一五二

一員募兵壯三百零一員名分屯要隘前哨北霸堡府志作北壩後哨馬鞍

堡左哨大器堡右哨大村堡共四哨與七里桐嶺黃良府志作黃梁窪笠府志作隆笠

定藏元村銀碑各堡隊募兵壯防守五山地方鎮壓遷來武象賓州

各處要衝今皆罷廢城址猶存又云康熙二年潯梧營撥右營守備一員兵一百名駐鎮五山因韋太甯之亂死難今潯梧營撥右營守備一員兵一百名駐

防按清道光中葉後守備居郡城惟以外委駐汛

五山之地周數百里賓州武宣來賓間山深林密八砦餘擊往往逋逃於此萬曆中
獶爲患二十三年討平之議者謂五山界潯柳間謝村適當五山之中先曾設堡於
謝村馬鞍金箱兵弱不能彈壓應於謝村修建土城增設官兵倚爲重地自謝村迤北
十五里爲馬鞍堡通武宣之古毫來賓之南四白牛諸處則五山後門也稍折十里而
西爲元村其地東廖源鷄懷諸山口通來賓近江捷路則謝村之後門也又折西爲寨
思堡過來賓南四之象山口遷江之崑山口謝村要害也又迤而西南爲定藏嶺控制
馬羅疊址交通五山之門戶與元村俱底溪築十堡合馬鞍寨思爲一路又謝村迤東
北四十里爲金箱堡則南四古毫武賴交通龍山之門戶也稍迤而南爲大器嶺龍山
五山之通衢也一以控山東山北蘆荻等賊村一以保固郭西郭北郭東民村宜增築

一堡與金箱爲一路又自謝村以南十里爲黃梁橋上應謝村下接北霸應增小堡北霸在黃梁橋南三十里辟賊窺伺城廂要路也應添大營城守稍橫而西爲窟笠堡荒僻深沮爲各賊窟藏密邇思簡惡村又折而西北爲佛子山當黃梁橋已下宜爲一路四路置堡增戍而謝村居中彈壓則五山竇謐矣方輿紀要

貴縣五山界於來賓遷武間背倚龍山卽所稱藤峽右臂也山崇而袤爲八寨逋逃淵藪向事招徠乍服乍叛左江持之急則遁而右右江持之急則匿而左橫剽四出民不甯居萬曆二十三年參將白斯清潛議雕剿而機事不密幾釀大患督撫二臣檄副使楊寅秋等以計破之餘黨相率請降窮山負谷舉爲編戶矣撫臣楊大科會督臣采衆議條其善後事以聞一移置將領以重彈壓一調撥所軍以實重堡一棋布營兵以聯聲援上如議施行 粵西叢載

分防貴縣城汛五山覃塘汛共兵二百八十名歲需米一千零一十九石五斗二升步戰兵每月餉銀一兩四錢五分小建計日每名扣銀四分八釐三毫守兵每月餉銀九錢七分小建計日每名扣銀三分二釐三毫三絲零遇閏加餉一月府志

梁志紀清代兵防別爲旱汛兵旱塘兵水塘兵水哨兵汛兵塘兵茲條

貴縣志

卷四

兵防營兵

一五三

舉於左

旱汛兵

九懷汛四名

九懷汛距城九十里府志作步兵一名守兵三名

大鑪汛五名

大鑪汛距城九十里府志作步兵一名守兵四名

按李志云九懷木格堡原設司官募兵與靖懷堡協護九里地方久已罷廢

旱塘兵

橋墟塘四名

橋墟塘上三塘十五里下興業閭村塘界十里

高嶺塘二名

高嶺塘上覃塘三十五里下鯉魚塘二十里

西界塘三名

西界塘距城一百五十里至廣東合浦界塘三十里

按府志增三江塘守兵二名橋墟塘守兵減爲二名高嶺塘西界塘守兵名額與梁志同

水塘兵 縣上八塘
下三塘

東津塘五名 東津塘上岑里塘十五里

岑里塘三名 岑里塘府志作覃里塘上東壘塘十五里

蘇灣塘三名 蘇灣塘上鯉魚塘十五里

鯉魚塘四名 鯉魚塘上陸村塘十五里

陸村塘四名 陸村塘上宋村塘十五里

宋村塘三名 宋村塘上上宋村塘十五里

上宋村塘三名 上宋村塘上大壩塘十五里

大壩塘三名 大壩塘上瓦塘二十五里

瓦塘六名 瓦塘上泥灣塘二十五里

泥灣塘三名 泥灣塘上香江塘二十里

香江塘三名 香江塘上大嶺塘十五里以上府志均作守兵

貴縣志

卷四

兵防營兵

水哨兵

東壘十二名 府志作東壘塘守兵三名巡防內河東壘塘步兵二名守兵七名

東津九名

大嶺九名

按梁志載大嶺外委一員兵四名大嶺距城一百六十里上橫州石塘界十五里府志載協防貴縣大嶺汛外委把總一員守兵十三名未分列大嶺水哨兵殆綜合兵額言之也

汛兵

三江汛四名 距覃塘汛十五里至賓州下黃塘界十五里

按梁志載覃塘汛外委把總一員分防兵二十九名撥防一汛兵四名府志載分防三江塘守兵四名白鶴嶺卡房步兵一名守兵九名

三江鎮縣西北一百里接賓橫界江岸諸水所匯明萬曆中置三江鎮築城設同知駐此一統志

塘兵

古東塘四名古東塘距五山汛二十五里

陸村塘三名陸村塘上留村塘二十里以上府志均作守兵

留村塘六名留村塘至來賓界塘界二十里府志作步兵一名守兵五名

清同治四年裁減馬步戰守兵兵額不足塘防遂廢其分防貴縣官兵額數如下

分防貴縣城汛官如額步兵七名守兵十五名

協防貴縣大嶺汛官如額守兵五名

分防貴縣覃塘汛官如額守兵五名

分防貴縣五山汛官如額步兵三名守兵十四名以上府志據營冊

清季編練新軍裁城汛把總大嶺汛外委等改派巡防隊駐防民國初

貴縣志

卷四

兵防營兵民壯狼兵

一五五

年以游擊隊搜剿竄匪其分防者仍稱巡防隊每隊三哨各設哨長以管帶統轄之民十以後防軍無定額

民壯狼兵

清代營兵而外以壯官威者為民壯更番歸耕貼防者為狼兵

民壯 府志載貴縣民壯三十名烏鎗手二十名挑刀手十名貴縣民壯舊額五十

名清雍正十三年乾隆十四年兩次共裁汰二十名

狼兵 貴縣之有狼兵始於明代初永樂二年猺賊猖獗調狼兵徵剿獲勝旋師回籍成化年間藤峽猺反四山響應越峽搶掠無虛日復調歸德思恩等處狼甲安插扼守各處隘口用備戰禦賊衆不敢出沒遂撥賊田及各絕戶之產與之耕食有糧無差藤峽既平分隸各縣統屬本府通判管轄故通判有撫夷之任每年自九月十五日調赴守城至三月十五日放令歸農內貴縣狼兵二百二十名抽調守城兵七十名

萬曆間裁汰三分之二清代免其守城之役地方有警仍照舊例調遣迄康熙三年總督石檄查粵西水陸塘汛制兵單弱因用狼民貼防經前糧夷廳議以各屬水陸塘汛每塘派撥附近四名在汛貼守春夏農忙之際以二名守塘二名歸耕更番迭換至秋收後四名俱令貼防通判一員雍正六年裁汰所有狼兵悉歸同知管轄後復撥歸縣令管理

據梁志

貴縣狼田計一百十八頃二十六畝府志云歷時既久狼兵無異

齊民卽狼田亦多典鬻清代狼兵名額撥防塘汛錄後備攷

貴縣狼兵二百二十名後爲三百四十四名浮於額一百二十四名其增多年月無攷計郭東一圖三十七名郭北一圖三十七名水南一圖十六名郭西一圖五十一名懷北一圖五名懷西一圖三名水北一圖五十三名山北一圖九十四名懷西四圖四十八名

貴縣志

卷四

兵防民壯狼兵巡防

一五六

撥守東津塘岑里塘三十七名蘇灣塘東壘塘三十七名上宋村塘十六名鯉魚塘陸村塘下宋村塘五十一名香江塘五名大嶺塘三名大埔塘瓦塘泥灣塘五十三名北山里要隘九十四名又香江塘大嶺塘四十八名

以上梁志據府舊志

巡防

清代於縣屬要隘設兵巡守其塘汛具如前述餘若紅泥峽金雞峽馬仄隘廖勒隘長山峽石牆隘口三江隘口九帝灘牛欄灣皆屬駐兵之處至或置戍於前或移防於後是又因時制宜使然此外陸設旱卡水路並有哨船塘船嘉慶二十年臬司會議詳疆吏准行始設巡船

見府志

今據舊志所載分述之

旱卡 貴縣石龍墟附近大墟奇石墟山徑叢雜爲匪徒出沒之區設旱卡一處委佐雜一員帶領兵役週迴巡查佐雜每日給飯食銀一錢

四分跟丁一名每日給飯食銀六分兵丁二名差役二名每名每日給鹽菜銀三分每夜油燭銀三分又貴縣隴頭六班兩山連接綿互多里山有煤鉛等礦向多無籍游民往來私行開挖匪類日多恐滋害累道光初酌議章程驅逐並移兵壯人等看守封禁該山楊村外係隴頭六班兩山大路出入總口設總大卡二座移撥附近覃塘汛外委一員帶汛兵二十名駐劄一卡又移撥貴縣大墟卡緝捕委員一員帶原額兵役四名另募土著壯丁十六名駐劄一卡互相防守其隴頭山左根竹墟後馬鹿村裏小路一條可通山徑在該處設立子卡一座撥貴縣城守汛兵五名縣役二名壯丁三名總共十名隨時防堵又在隴頭山腹地之內設子卡二座撥派覃塘汛兵八名縣役四名壯丁八名共二十名在該卡內常川防守又在六班小隴口附近小路之處設子卡一座撥派覃塘汛兵二名縣役二名壯丁六名共十名協同駐劄合計共設

貴縣志

卷四

兵防巡防

一五七

總大卡二座子卡四座移駐外委一員緝捕委員一員撥覃塘汛兵三十名城守汛兵五名縣役八名又大墟卡原額兵役四名另募土著壯丁三十三名總共兵役壯丁八十名其兵役四十七名每名每日給津貼飯食銀三分壯丁三十三名每名每日給工食銀八分緝捕委員及額外外委每員每日薪水銀一錢統計文武委員兵役壯丁每年共需經費銀一千五百三十兩貴縣知縣每年捐辦一半銀七百六十五兩潯州府知府每年捐辦一半銀七百六十五兩著爲例又貴縣九懷汛道光六年署貴縣知縣吉慶奉撫檄建大卡一座撥兵二名選民壯十名稽查外匪以地通廉州界也

梁志引
府舊志

哨船塘船 貴縣哨船三隻塘船十三隻哨船三年小修五年大修八年拆造塘船三年拆造

巡船 貴縣上游自縣城起至橫州界大嶺塘爲一段設巡船二隻下

游至桂平界畫眉塘爲一段設巡船二隻每船由縣選派勤幹家丁一名管帶巡查每日給飯食銀六分差役兵丁各二名每日每名給鹽菜銀三分雇募壯丁二名水手二名每名每日給飯食銀六分每船每夜給油燭銀三分

以上據梁志參府志

自清咸豐間兵燹後旱卡巡船均廢同治間復設巡船歸水師統領管轄光緒間匪風猖獗增巡船六并設車船一爲管帶官座船其巡船之分布則駐泊縣城沿江者一分防東津香江大嶺塘者各一分防萬蓋曾子灣瓦塘者各二並於萬蓋曾子嶺江干各建碉樓一座分撥巡船兵丁駐守民國肇興編爲水上警察設署於南門外天后宮民國十年遭亂遂廢

烽堠營壘

附飛機場

烽堠 古戍守處置烽堠有寇警卽舉烽火以相告縣西北二十里正

貴縣志

卷四

兵防巡防烽堠營壘

一五八

龍寺前昔有烽堠三座清代隸覃塘汛民國十五年闢汽車路毀二座惟一座僅存二十三年春爲風雨所毀郭西里覃塘墟市心街烽堠三座清道光間廢遺址已建市房山北里牛窩村附近烽堠隸五山汛香江泥村附近烽堠隸大嶺汛均久廢三平團新塘墟附近烽堠三座民國三年建新塘市場毀之

營壘 向武城在城東外大社附近久廢梁志云或謂此爲古昔戍兵之所附近有上柳中柳營今民糧冊籍尙有向武屯之稱

清同治二年黃鼎鳳退守小平天山清督師劉坤一率師圍之築壘十六座其最扼險者爲大平天山二壘與小平天山對峙中隔一峽壁立千仞餘十四壘分布於山麓根竹覃塘間作環列形遺址尙存
清光緒季年管帶譚朝寶駐防樟木墟就地籌款建築營房六間於墟背民國初年已改建樟木高等小學校

縣城兵房二所民國十七年建築第一兵房在北門城上第二兵房在西門外江濱以祖天后宮改建

飛機場 在縣城北門外民國十八年興築

警備隊 附政務警察

清代縣衙設親兵直隸於知縣貴縣親兵分左右中三哨各設哨官一
民國紀元縮編一哨四年改爲警備隊設隊長隊附各一警兵六班警
餉由地方捐項撥支二十一年設民團常備隊遂酌裁警兵名額改編
四班二十三年改政務警察編爲三組公務組兩班巡邏兼交通組一
班偵緝兼衛生組一班

團防

清道光間吏治日偷閭閻疲弊知縣楊曾惠恬嬉貪黷又復久於其任
自是盜匪如毛會黨紛起張嘉祥糾結橫州謝江殿等肆行劫掠縣境

貴縣志

卷四

兵防警備隊團防

一五九

騷動道光二十七年縣城立團練局事屬創始人多難之湯聘三奔走
各紳富間得任團總未幾廢弛三十年太平軍起於金田干戈搶攘游
民乘機滋擾又復立團練公局林逢春羅慶章梁廉夫等爲團總勸各
富戶捐銀二萬餘兩以作餉糈部署甫定而瓦塘徐阿雲九江三等寇
縣城知縣張汝瀛集團練守禦城賴以安咸豐二年東匪任文炳犯境
知縣施兆榭調南北岸練丁迎擊敗績城陷賊旋往劫山邊山肚二村
團練擊退之三年知縣李嘉年與團紳不睦改組團練局以李隸榜朱
聯傑林良昉等爲團總四年八月馮二等踞城團局解散六年林逢春
林廷宣陳璠等爲團總廷宣陳璠赴邕乞師復城踰三月陳開李文茂
等又陷之自是四方板蕩政令靡定互七年無復言團練同治二年布
政使劉坤一復城委馮會周作新羅銘勳林冠芳龔寅梁廉夫等爲團
總恢復團局大亂初平瘡痍滿目所事多屬安撫四年巡撫張凱嵩改

委林廷選梁廉夫李恩祥等任團務未幾團局裁撤歷三十有一年縣

境晏安不聞鼓鼙

參梁志紀
事寇略

城廂團防 咸豐初年東匪任文炳率黨揚帆西上城紳奉官諭集團防堵在蘿蔔灣設水陸炮臺左右江岸支架棚廠派練丁扼守要隘水面以鐵鎖攔江炮台環列巨炮以蒲席包棉花為塚口當日有金炮臺之諺亂後漁人曳起鐵鎖長數十丈環大如臂置之河干同治乙丑匪首黃三奴倡亂於黃練光緒己卯壬午間匪首周慶弟廖勾拐等嘯聚於垌心村定祥山城紳迭奉官諭集團守禦東則下街西則小江埠南則對岸之南江村北則街墟尾分四路屯劄練丁每路於險要處建閘門或炮樓以荆棘環衛縣城每家派一丁分段輪守段設一人司更十人巡查有警鳴鑼守練咸出捍禦首尾互相聯絡所有團防經費除地方官賞犒外量貧富勸捐具成數以為備動支時則先收一成或二成而已捐戶固易為力即董事者亦不能濫用也

郭北里團防 道光年間里紳陳士琬等奉官諭集團防守

山東里團防 咸豐初年里紳韋聯芳等奉官諭集團防守後在石龍墟設安良團局山西里團防 本里接壤來賓武宣多巖穴最易藏奸迭奉官諭集團防守里中分為五團每團村落各設更樓夜間有警鳴鑼吹角為號各團齊出圍捕或設伏險要以斷賊去路 以上梁志

清光緒二十四年五月二十九日股匪趙狩大犯境時承平久人不知

貴縣志

卷四

兵防團防

一六〇

兵大墟遂陷翌日定光鄉練丁與軍隊擊潰之然自是盜風寢熾各鄉乃自組團練以資守望二十八年大旱歲饑盜益肆拈香拜會劫掠無虛日各里於是紛設團局然無所統制七月巡撫王之春委藤縣教諭龔仁壽回邑設立貴縣閤邑保團總局八月總局成立仁壽與羅一清賴汝松黃祥光林瑞徵等董局務購槍募練分防緝捕閤邑團務乃有董率匪風稍戢十二月陳景華知縣事收總局槍械防務頗弛二十九年仁壽赴百色廳學正任董局務者為羅一清賴汝松尋溫卓然羅藹吉梁澤楨傅作霖繼之宣統間縣議會縣參事會成立縣屬城鎮鄉並各設議事會董事會兼辦理團防事宜於是團局廢民國相沿以自治會綜團務三年停自治恢復團局十年又廢團局恢復自治間以縣長兼民團司令旋又改為警備司令十四年復設民團總局二十年裁撤設民團司令部並設民團參議會贊襄一切參議會旋廢民團司令部

設司令副司令各一員司令以縣長兼任二十三年副司令以副縣長兼任設督練官征調城鄉壯丁編隊訓練二十一年七月全省民團由省政府統轄二十二年歸大隊編制集區訓練

民團常備隊 民國二十年五月徵編民團常備隊三隊隊各編團兵九十名設隊長一員隊附三員自隸省政府統轄後改編爲乙種兩隊及隸大隊編制集區訓練後縮編爲四排由大隊長直接指揮歸區指揮部統轄常備隊團兵就後備隊甲級隊中徵調編練期滿退伍如人數足額則編爲民團預備隊

民團後備隊 民國二十年調查戶口後依照民團組織條例以全縣壯丁分編民團後備隊計壯丁五萬零五百七十九名編爲五百二十九隊四十三獨立排派遣督練官分赴各處分期抽調訓練二十二年縣屬後備隊由民團司令部召集訓練者共八隊編隊用甲乙兩級制

貴縣志

卷四

兵防團防軍械

一六一

商團 清光緒間貴縣商會設立商團置隊長一員以統率之民國二年三月八日隊長溫華標勾結第十七隊防軍叛變尋被擊潰事平撤銷商團民國六年商團恢復民十以後又復取銷二十年五月重組商團設隊長隊附各一募團兵六十名嗣又減爲四十八名月餉由貴縣商會撥給

軍械

清代營兵軍械爲弓箭腰刀藤牌牌刀刷刀長鎗雙手帶刀挑刀抬鎗鳥鎗之屬至大礮則有三百觔大礮二百觔大礮一百五十觔大礮一百觔大礮並有子母礮鳥機礮彈子則爲大小生鐵彈子及小鉛彈子


據府志 迨清季編練新軍刀矛遂廢縣屬之有公槍以地方公款購置之槍曰公槍始於清光緒二十八年成立閤邑保團總局時籌款購械民十以後地方多故糧賦附加團費購槍費遞年購置槍械增養民團保衛地方

貴縣公槍表 民國二十二年調查


槍械種類	數目
德造七九步槍	三七
俄造七九步槍	一〇
粵造七九步槍	八
鄂造七九步槍	一六
粵造六八步槍	二一
俄造六六步槍	一八
毛瑟九响步槍	一三七
毛瑟單响步槍	三

駁殼手槍	一四
曲尺手槍	二
駁殼曲尺手槍	一
左輪手槍	五
綠甲手槍	一
手機關槍	六
門拔蘭槍	一
土造七九槍	四
土造單响槍	一
合計	二七五

蒼梧地方法院貴縣分庭平面圖




貴縣地方金庫平面圖



平民習藝所

比例尺 1/500


貴縣城廂區公所平面圖



縣前街


Scale $\frac{1}{200}^M$

青縣縣立中學校平面圖




比例尺 1/400

貴縣縣立小學校平面圖




比例尺 1/800

貴縣縣立女子小學校平面圖




貴縣縣立平民習藝所平面圖




比例尺 1/500

貴縣圖書館平面圖



比例尺 1/400

中山紀念堂平面圖



Scale 1/500^m